

# Pages fribourgeoises

Autor(en): **[s.n.]**

Objekttyp: **Group**

Zeitschrift: **L'ami du patois : trimestriel romand**

Band (Jahr): **28 (2000)**

Heft 110

PDF erstellt am: **24.09.2024**

## Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*

ETH Zürich, Rämistrasse 101, 8092 Zürich, Schweiz, [www.library.ethz.ch](http://www.library.ethz.ch)

<http://www.e-periodica.ch>



## Pages fribourgeoises

### *On tsapalan déthorbâ*

Fô chè dèfindre dè rin, na dèthorbâye pou arouvâ a tsakon dè chè è kan on li ch'atin le min. A chi propou, vo vu kontâ ha galéja fâcha arouvâye a on viyo tsapalan gruèrin adon k'l'avi le nâ pyantâ d'in on lêvro.

Cholè din cha kurëta, rin d'ôtro tyè na viye dzébe, chin chèrvinta po li inkotyi chè rèpé, irè din che n'othô, fridàjamin achétâ a la kotse dou fu, chu le tyin on tsoudèron d'ivouè kemin-hivè a tsifrenâ. D'in na man l'avi chon brèviéro è d'in l'ôtra on galé mochi dè bakon ke voli betâ a kouêre po cha marinda.

Achtoù k'l'a voyu kouêre l'ivouê, chè abadâ, l'a kotâ chon brèviéro k'l'a fotu d'in le tsoudèron è pu l'a betâ le mochi dè bakon dèjo chon bré. Chu chin, le pe krânamin dou mondo, l'è modâ vè cha tsapalèta. Ma chu le chindê, on grô tsin ke le talenâvè, ateri pè ha boun'ôdeu dè tsê founâye, l'a choutâ chu le fô brèviéro è l'a vanâ dato. To t'èthenâ, le tsapalan konprenyé på portyè chi tsin l'avi ramacho chon lêvro.

L'a pâ fôta dè dre k'in rintrin d'in cha kura, na krouye marinda l'atindê. In vouitin din chon tsoudèron l'a to konprê. Le tsin irè viya ąvui le bakon è a li, li chobrâvè tyè mé na gota d'i-vouè bregandâye po chon rèpé. Dinche, le pouro li, l'avi pâ mé dètyè choutâ dou gonhyo.

Chè rèbetâ è chè koncholâ dè ha mèprêcha, in kontin ha fâcha a chè j'èmi kan l'è dèchindu in vela po chè prokurâ on novi è indichpinchâbyo brèviéro.

On châ pâ ch'l'è dè yêre ou bin ch'l'è pè le mochi dè bakon k'l'è j'ou dèthorbâ. Ma, chu chin, vo deri k'on pou ithre moutsè kan on l'y ch'atin le min.

## DJAN - LUVI

Dè chi konto, Franthè Menoud-Borkâ l'a chayè na pithe dè tèâtre dzuyête pè la tropa di Takounè, amikale di patêjan d'la Vevéje.

Dzoun'armayi, Djan-Luvi chè akovintâ po poyi vè Dzojon di Mortê. A la vêye d'la poya, che l'è benéje de na pâ, dè l'ôtra, l'è on bokon kâhyo in moujin ke rèvèrè pâ cha miya dè to le tsôtin. Dè cha pâ, Goton l'è in pochyin pèchke chon Djan-Luvi pouyè avui Frantholè. Dè hou dou prétindin l'a rèyi Djan-Luvi è du adon, Frantholè l'è fèrmo dzalà. Goton l'a pouère ke chtiche lou dzuyichè on krouyo toua por arouvâ a lè chèparâ. In lou tyithin, le kâ on bokon charâ, hou dou j'amouryà chè dzouron fidélitâ.

Tantyè a la Chin-Dzâtyè, l'èthu chè pâ tru mô pachâ. Ma la vêye dè ha fitha, Frantholè l'è pâ rintrâ dè portâ a chalâ, l'è choibrâ in pyan pè le bâ. Cholè ou tsalè, Djan-Luvi l'a dou mô dè bayi le toua avui chon travô è l'è in pochyin pèchke l'a rin rè j'à dè novalè dè cha grahyâja du le furi. Kemin l'afére virè, chè mèfyè dè Frantholè k'l'a pâ l'è d'ithre tan fran dè bori.

Adon k'chè dèménè pè chon trintsâbyo por avanthi chon travô tché ke le vajiyê, in ribote, arouvè in kantsebardin po li teri fro ôtyè a bêre. Djan-Luvi li vêchè na tacha dè kâfè por avê la pé. Ma, po tot'arandji, chti kou l'è la vajiyêre k'ch'aménè po rapèrtchi cha gouapa in fajin on trin dou dyâbyo. Hou duvè kouènè vinyan dè modâ kan kokon fyè a la pouârta dou trintsâbyo. Fèrmo chorèprè, ma po chon gran piéji, l'è Goton k'arouvè avui Lija è Maryanna. Goton l'avi portan èkri a chon martchan ke vindrê a la Chin-Dzâtyè, ma la lètra l'è choibrâye d'in lè fatè dou gouérna-fre. To dzoyà dè rèvèrè cha miya è inkoradjî pè hou grahyâjè, Djan-Luvi léchè chon travô in pyan po fithâ è danthi on bokon. L'è bin tan kontin k'âbyè chè pochyin.

Iran juchto intrin dè lou dèmorâ kan Fonje di j'Oudzè, patron di montanyè, dèbârkè kemin on kou d'oura. Dè vêre to chi ni pè le trintsâbyo è lè vatsè din la bàja, Fonje chè ingrindji è l'a fotu na voulâye a Djan-Luvi k'l'avi portan bin le drê dè chohyâ na vouêrba. L'a pâ fôta dè dre k'lè fèmèla chè chon èmuchyè chin fére d'la chèta. L'an tot'a l'âra ti moujâ k'chin irè oun'inmandziche a Frantholè. D'aye, kan chtiche l'è arouvâ ou tsalè, Djan-Luvi l'a pâ tsouyê è l'y a krânamin fi a chavê chin ke moujâvè. Chu chin, dè radze, Frantholè l'è rêmôdâ du le tsalè, avui na réchèta, in dzourin dè chè vindyi.